

發陳
別錄

發陳別錄小引

徐焯之戰敗績謀遷都余擬浮海將發整裝得
陳稿一束無次有能記其時地者有不能憶及
者讀之不盡可彙編之無類可歸然昔既發予
鳴自必有所感使仰縈回尚隱約浮影象為其
鴻雪接目猶可寒燠慄心有助殺鑑故別錄以
收之難辨先後雜列以存之惟於其前也何以
茫然久遺於其今也何以突如其來無乃雕蟲
小品亦應乎數也耶嗟乎夫前之遺有似余之
寡恩而今之來有似彼之多情如是則工乎拙

手又安忍復計之哉竊聞之冬之月曰閉藏春
之月曰發陳臨發而得陳意有近之故名此一
束曰發陳別錄發陳者起元也或兆乎吉

雪廬詩集

稷下李豔炳甫著

發陳別錄

塞笛

胡天薄暮折楊枝
笛裏風情閨裏辭
凍指恐隨腸寸斷
戍樓黯黯雪中吹

雨中送客

剪燭西窗曉未晴
秋蓬獨去淚雙傾
斜風吹入亭邊雨
也有霑襟一片情

還家

丹桂初香露始寒
衝雲雁唳碧天寬
秋風不與吾家事
幾處黃昏人倚闌

離鄉

春郊車馬去閑閑
時速心遲別故闌
桃柳數村新雨後
峯巒萬疊曉雲間
初聞珠語他鄉近
回憶庭柯舊馬還
從古長征男子志
揮鞭慷慨莫愁顏

秋館

孤館西風滿樹頭
青天如昨夜雲收
自來自去窗前月
不管閑愁與客愁

松竹拜

長松修竹翠凌雲，不受人家灌溉恩。
縱或四時霖雨少，奈他天地結靈根。

黃河踏冰歌

大堤樹鳴風滿天，捲地灑空沙似煙。
抽刀斷流截水住，萬里竟鑄銀作川。
鵲華去岸象牛女，疑是媧補成其緣。
九霄飛步可直上，槎使誰復追張騫。
君能徑攜手前兜率內院，求金仙昔日公無渡來朝亦徒然。
丈夫識在時機先，蹉跎恐被春纏綿。
春纏綿，卿自憐。地坼濤湧不可填，紅塵悵望空年年。

贈戒塵上人
昔稚僧聞蒙多先讀儒書上人于昔日硯友也

遠尋山寺舊時朋，不執禪師號野僧。
搬水運柴心早悟，撞鐘擊鼓事皆能。
客來詩疥松堂壁，風定花垂石案鐙。
憶到稚年同筆硯，翩翩未似玉壺冰。

秋夜

碧梧朝落葉，孤館起新愁。
客去連江雨，琴停一簟秋。
吟鐙聯蟋蟀，題壁篆蝸牛。
應候或凋鬢，寂寥仍遠遊。

無題

蜀鵲啼罷齊蟬咽，天地茫茫不了情。
枯木寒巖風雪夜，秋鐙孤館讀書聲。

芙蓉

江上芙蓉向我開
塵中車馬枉徘徊
可憐紅粉無情甚
只解折枝歸去來

把酒望青天

把酒望青天
雲開月初弦
美人在萬里
相思年後年
容顏或仍好
飛雪盈客顛
停杯頻搔首
愁生似長川
秋風下木杪
瑟瑟來我前
披襟吹不去
化作冰塞堅
側身聽雲月
吞吐相纏綿
嗟哉兩無心
為樂恣隨緣
雲迷不歸岫
月亦忘其圓

索居

自移花竹近窗栽
省得荆扉破悶開
更趁春晴曾入市
典

衣新買古書來

茅齋雪晨

茅檐紙牖竹風門，夜雪初晴曙色昏。
執卷就鐙膏半凍，臨池呵硯墨難溫。
江邨迢遞連空靜，山嶽崢嶸佩玉尊。
且喜家貧書味飽，漫勞冰箸傲王孫。

塞上

滿襟胡血背風歸，橫槊轅門旭日微。
昨夜劫營擒寇帥，遠空還見烈煙飛。

紀厄

此首無題，讀乃憶之為遼蜀店廡家名時遭寇轟。

炸所紀也是夜飛機來我探照燈四集搜空寇失
其向彈亂投予蹲土阜間環周如雨下土鬆摧皆
滾入澗中而炸是以得不死也茲擬題曰紀厄

哀笛裂雲響長虹掃星躔城郊息鎧火人隱松嶺巔忽似
疾颺來還聽暴雨懸鐵鑄浮圖林參差墜我前滾滾趨深
壑崩摧陵谷遷聲寂面頰熱飛揚塵火煙虛舍幻中滅微
軀何獨全恐非人間世亦不類黃泉上有蒼蒼天下有茫
茫田數家哭聲異傷彼新棄捐今疑不我死定有復興年

貧賤

里有足人憫而賦之非若唐人貧女而有寄也

素手汲晨井短籬飛柳花東風送愁緒春色住鄰家落月

空塔冷炊煙破竈斜
艱難飽菘藿思不到鹽茶

秋邊

秋邊萬里討天驕
大將威儀過渭橋
塞下高蹄馳轆轤
沙中列幕擁招搖
須衝堅壁直擒虜
莫射蒼宮空落雕
何日漢關歸奏凱
梅花香後雪初消

東望

東望無由竭海枯
礮臺遙岸向番都
於今設守已非計
要使長纓能獻俘

寇機

金鳶鐵卵嘯晴空
禹物全銷一炬紅
聞道有窮能射日
願

除妖孽借雕弓

獵鎗

未許豺狼當道躡，良從不射雞豚人。
問堆有牛刀賤，肯負平生飽飯恩。

我有

我有嬌妻妾，數盆花與蘭。時佇芳徑賞，或凭綠窗看。
我痕未遭瞋，貧賤也能安。柴米油鹽事，心同不相干。
每逢東隣子，總見眉雙攢。問君胡為余，言失閨人歡。
始知客中樂，坦坦胸襟寬。忽驚似淚者，翠袖晨倚闌。
趨前啞然笑，珠露霑

花園

代鈔
中酒答人

我醉異君醉欲言君不知如泥却非醉此意未君欺長夜
復長夜一卮還一卮昏昏倚高枕正是眼醒時

舊習

舊習今仍在愁聞井有人解紛不如意拔劍共貪瞋

丁香歌

君不見丹墀綠遍東風生小閣捲簾新雨晴數株丁香白
兼紫態瘦香苦含深情珮聯珠貫結不解曉月夕照愁堆
成封侯貨殖無貴賤薄倖總被虛名絆天涯人去春歸來
幾家倚闌腸不斷漫道王孫只經年玉顏暗向鏡中換花

冥冥繁似星朝朝暮暮遮作屏遮斷別離路短亭與長亭
花無語屏有靈等是十言累萬語惻惻叮嚀復叮嚀

偷安

罵座不闕酒折腰非為官聖賢令寂寞禽獸舊衣冠拜石
掃松徑惜花編竹欄樂憂天下計無補愧偷安

隱意

已知天爵貴隨手掛烏紗適意勝於祿健行何必車門垂
元亮柳地種邵平瓜問字朋來遠袂言日每斜

仲夏索居

朝雨微乾日上階新蟬清響發高槐風簾冰簟多幽意可

有抱琴人到齋

得全

問君何不店全都得得蹇驢西子湖自慚時風未能適鳥
獸草木鄰不孤愁來朗吟拔劍舞壘塊塞胸快一吐露布
拳旗自負能人家養犬不養虎撫髀生肉英雄悲文沒空
釣渭之湄頑夫還餘少年氣父老莫談博浪椎且登蘇堤
牽蘇柳步上水亭看紅藕平生幸不逢知音白髮花間猶
飲酒

憑巾阮嗣宗墓

滿園秋蔬卧步兵斷膝荒徑綠蕪平因知白眼多誣罔曾

記語無臧否名

月二首

人間多少情思淚
滙作寒潭結作冰
何時掛在青天上
春去春來解幾層

一掬清光何處來
分明秋水結靈胎
夜夜噴珠千萬斛
天涯人去掛人懸

玉簪花二首

幽香涼夜發
牆陰露潤花開白
玉簪淨洗哥窯清
貯水摘來書案對
鐙吟

秋聲一院夢無痕
吟到更闌鐙穗昏
夜夜月中鳴蟋蟀
憐

他寂寞暗銷魂

髻上玉簪花

西閣新涼月一鉤
傷心每插玉人頭
空階已厭梧桐淚
爭伴離魂枕上愁

車轟炸書憤

此中日之戰蜀中所遭之事也鄧都望鄉台皆蜀之地

鄧都西去望鄉台
真似幽冥喚我來
大海鐵鷹長夜夜
何當一躍出輪迴

讀史書後

帝業宛如朝槿開
前花空被後花哀
後花還有堪哀事
不走降車築禪臺

過秦叔寶墓

傳像衣冠之塚

胡公之墓在歷城之南今已不見其壟民俗多於
歲除張貼門神於兩扉繪秦瓊及尉遲恭像

翁仲殘軀卧夕陽土人顛倒話隋唐榜門偶見新年畫封
墓凌煙兩杳茫

排悶四首

謝却五斗米高歌一樽酒樽中酒常空一碗茶在手朝花
夕月時七碗不住口眼前金易盡身後名非久金名兩無
心覓心何嘗有持茶問趙州趙州掩耳走

赤日炎如火高明麗中天遠之可清涼近之更熾然長夏

畏大暑地水如湯泉須彌十萬丈冰雪盈極顛燠寒易其
理執一事難圓

心動幻風起何分東與西西吹草蟲咽東吹山鳥啼分之
似萬籟靜止物皆齊昨夢官錄因傲然視他低不醒夢中
夢難破迷者迷

似有千年債債之不能清苦吟一篇畢重負冷然輕偶閑
眺山水化作祖秦城推敲盡律呂矯首發長鳴登臺避更
多澤畔不堪行誰少蘇薛氏困慷慨思馮生

將發九江望匡廬

匡廬辨未了風急掛秋帆湧浪催舟去遊心到口緘江天

一回首雲霧萬重巖遙想鑪峰瀑銀濤下綠杉

阿堵歎

世間岨彊物矯矯阿堵翁招之徒不來常守簞瓢空揮之
亦不去濟世仍無功不來尚可解不去情難通置諸大道
旁兩騎馳若風離鞍奪不已抽刀互相攻縱橫尸委草太
息思無窮理財信有道運用非吾躬取捨皆成錯阿堵笑
冬烘開承不先士投趾速西東

讀淮陰侯傳

王名本已假竟以假王珍結到三分鼎多增一掬塵雲山
棲達者金紫給瘖人不見未央草秋風吹碧燐

卜

彈盡糧空甲不完
孤城猶自卜金錢
古來多少興亡事
且問丹心莫問天

靜夜思

帳動流蘇麝噴香
月明人靜五更涼
半窗疏影搖梧葉
斷續檐鈴語畫廊

蕉鼓

螢火沾帷枕簟涼
珠簾不隔月斜光
誰將樓鼓敲秋夜
歲鼓成秋夜長

窓前桃花

荷花嬌嫩
欲傷人
也如
人

晚日照妝臺
桃襪帶露開
纔知花有淚
悔近綠窗栽

清明客况

天涯每怯過清明
人似柳條風裏輕
我不惜春春不去
朝有絮鬢邊生

藝蘭二首

園荒擇隙開新井
日午升高架竹棚
誰解王侯萬鍾祿
不
如蘭蕙一盆清

灌盆鋤土不知忙
看過清晨看夕陽
數編多情惟草木
這
人憂喜似顛狂

只見

歲蕤薤柔滴春露爛熳桃花迎晚風偏是翠樓開笑厯凭
闌只見一株紅

溪村

溪邊村落掩桃花幾縷燼煙帶晚霞下馬登樓沽美酒任
他汪萬是誰家

塞上二首

天低山峻勁風鳴鐵騎翻潮撲虜營回傾揮刀呼李廣不
為侯印視身輕

捧地風沙逐馬蹄震天笳鼓月沉西刀瘢老將無軍令屢
拔龍泉笑白霓

心儀青蓮年久仿之不似

心香瓣瓣拜詩仙
鎗火雞聲五十年
一句何曾到優孟
怪人皆欲殺青蓮

盆樹

柳榕松柏皆喬木
斗室盆盆一尺奇
欲戲乾坤藏芥子
元非材大不逢時

供蘭

素蕖一莖秋有痕
蕭齋書架紫砂盆
詩箋三兩明朝約
風月任情先到門

春草

袞袞晴光動南庭
復北庭春歸在風日
人出步郊坰候鳥啼
園柳王孫醉驛亭
早蓮花滿眼俱是後來青

清明郊步

梨花如雪柳如煙
阡陌縱橫繞墓田
遊客古人誰是主
清明郭外夕陽天

讀南史

國亡家破命如絲
不及民間一乞兒
我欲翻書從始看
他乃祖得來時

發陳別錄終